

Vunzguhnaz

□ Vangz Dingjuncungh / 黄顶钟

Auseiq youq henz dongfeiz naeuz: “Duicangj, mbouj vuenh lo! Raeuz mbouj ndaej ok hong laebdaeb rubrub rabrab ndaem naz lo. Mwngez mbouj miz gingniemh, dou caezgya bangbang de.”

Auseiq couh caeuq geij boux dawz cae mwngez song rongh gou sam rongh bang Bohminj dauqcungz cae ndei naz.

Haemhde, ndaw dui couh hai hoih, dawz doenghgi dauq ngeix faen swliuzdi gangj ndei lo. Ndaw dui couh ciemhciemh doxgiat hwnjdaeu, caezsim guhhong lo.

Doxdax Ndaem Naz

Youq doenghnaz Dahbyayien dou, liglaiz cungj dwg vunzsai cae naz rauq naz, mehmbwk ciemz gyaj ndaem naz. Mbanjbicanh dou caemh mbouj linghvaih. Youq ndaw swngchcanjdui, mehmbwk couh baenz le cawjlig swngchcanjdui ciemz gyaj ndaem naz. Gyoengqde cungj dwg boux caixhangz ciemz gyaj ndaem naz.

60 nienzdaih cunggeiz, ndaw yienh dou doigvangq sawjyung h cazyanghgi. Ndaw dui dou caemh cawx ma geij gyaq. Yiengh cazyanghgi neix, aeu vunz doiqdauq rag dwk baez mbat baez mbat daj ndaw sienggyaj beng gyaj okdaeuj cijndaej ndaem roengz naz bae, caemh dwgrengz lai, gyoengqdou cungj mbouj haengj yung h geijlai.

Gunghse ganbu cap youq Mbanjbicanh, heuhguh Laujmoz. De vihliux yung h cazyanghgi ok hauilai rengz. De naemj guh mbat doxdax ndaem naz he, hawj caezgya cungj haengj yung h cazyanghgi, couh daeu j dungyenz

Simjngeih caeuq cazyanghgi doxdax ndaem naz mbat he.

Simjngeih mwhhaenx ndaej 40 lai bi, youq ndaw dui dou dwg boux ciemz gyaj ndaem naz lauxhangz he. Dou yawj de ndaem naz, fwngz seuq caenh lumj gaeq dot haeuxnaed nei.

Laujmoz ngamq dwen baez he, Simjngeih couh doi sam doi seiq: “Gou laux lo! Caih hauxseng guh ndaej lo!”

Laujmoz naeuz: “Byawz mbouj rox mwngez ndaem naz lauxhangz.”

Simjngeih naeuz: “Daxniq caemh lauxhangz bw!”

Laujmoz naeuz: “Daxniq yaek hai cazyanghgi.”

Simjngeih naeuz: “Mwngez gaej aeu gou ma guh maxlaeuz!”

Laujmoz naeuz: “Mbouj gangjriu. Gijneix dwg gij yinvu gvendaengz cwngei!”

Simjngeih cij ndaej dapwngq lo.

Laujmoz naeuz: “Mwngez hix bae cimh Mehgyauz——”

Simjngeih: “Gij doih gou gag ra.”

Aen doxdax neix youq doenghnaz Vujcueng gawjbanh. Ngoenzhaenx, daengx aen dadui gak boux siujduicangj caeuq gyoengq mehmbwk cungj daeu j camgya.

“Simjngeih, ngoenzneix daeu j yawj mwngez ndaem naz lo.”

Simjngeih angq naeuz: “Ngoenzneix aeu gij yakyawj hawj faenh sou yawj lo.

Naz gaeng rauq ndei lo. Aen cazyanghgi 3 boux hauxseng. Simjngeih caemh 3 mehmbwk, song boux mehmbwk de gag ra daeu j gap baenz aen dui, doengh boux mehmbwk neix cungj dwg ndaw dui ndaem naz caixhangz. Gyoengq hauxseng dou fucwz hawj song mbiengj vunz rap gyaj.

Ngoenzde ndit caemh mengx. Ae! Hah sou hah ndaem, seizlawz mbouj hwngq!

Gyoengq hauxseng dou rap gyaj gvaqbae, couh raen song gyoengqde hainduj ndaem naz lo.

Baihneix 3 boux hauxseng aeu cazyanghgi ndaem. Gyoengqde sam boux vunz doxlwnz dwk, vunz dingz gihgi mbouj dingz. Boux ndeu doiqdauq dwk rag gihgi ndaem, “gaca gaca” gij sing cazyanghgi rwenzrubrub. Go’gyaj couh daj “laj dungx” cazyanghgi duengh okdaeuj ndaem roengz naz bae. Boux ndeu couh aeu gauqcieng daet raggyaj, coux sieng. Boux ndeu comj gyaj, ndaejhoengq couh bang daet raggyaj. Gyoengqde ndaem dwk mbouj vueng mbouj nyaengq, doxlwnz dwk ndaem, baenzneix couh ndaej doxlwnz yietnaiq.

Simjngeih baihe 3 boux mehmbwk, gag vunz gag ciemq gaiq naz ndeu, gag vunz gag vanq gyaj. Yienzhaeuh gag vunz gag gungj hwet roengz ndaem naz.

Gyoengqdou rap gyaj gvaqbae, yawjraen Simjngeih gwnz gyauej daenj aen gyaepgoknyaenz; gwnz ndang daenj diuz buhdox he, gaeng deng hanh cimq dumz lo; laj ndang daenj diuz vaq ndaem he, doengzvaq vid daengz giz gyauejhoq.

Simjngeih aj ga cik lai gvangq, cap roengz namh bae, gungj hwet goemzgingq. Song fwngz iet dep henz namh, couh yienghneix lwgmeh caeuq lwgyinx fwngzswix baez dawz sam seiq dug gyaj faen okdaeuj, fwngzgvaz couh swnhfwngz ciepgvaq ma ndaem roengzbae, seuqdangq dangqmaz. Mbat yaep da he, song fwngz daj swix daengz gvaz mbat vad, coij gyaj ndeu

couh youq dangqna j heuseuseu lo. Ga’gvaz mbat doenq laeng baez nod, song fwngz caiq daj gvaz daengz swix mbat vad, coij gyaj daihngieh couh ndaem roengzbae seuqset lo.

Buenq ngoenz seizgan, gyoengqdou caen boiqfug lo: Aen cazyanghgi mbouj dingz. Gaca! Gaca! Gij sing cazyanghgi yiengj dwk rwenzrubrub, caen lumj ciengq go nei. 3 boux mehmbwk de mbouj vueng mbouj muengz, mwngez ndaem sat le daengz gou, gou comj ndaej le daengz de. Yienzhaeuz nditndat mengx, hoeng ndaem ndaej caemh cwxcaih.

Dou caemh boiqfug Simjngeih 3 boux mehmbwk neix: Ndaem baenz gaiq naz mbouj iet hwet, vanq roggyaj vanq ndaej cinj, roggyaj ndaem le daihngieh rog ngamqngamq couh youq baihlaeng ga, mbouj aeu yaek iet fwngz bae vax. Dienheiq baenzlai hwngq, hoeng mbouj raen gyoengqde yaek gwn saek gaemz raemx.

Banringz, doxdax sat lo. Daihgya hwnj daengz henz doenghnaz laj gyouzgyaeuq hai hoih cungjgez.

Laujmoz sing hung naeuz: “Haetneix ndaem naz, aeu cazyanghgi ndaem ndaej song moux, aeu fwngz ndaem ndaej moux bet. Cazyanghgi ndaem ndaej gveihgwz ndei, doxhab biucinj; dan aeu vunz ndaem, gveihgwz ca di. Gij ndei cazyanghgi daihgya cungj caenda yawjraen lo. Ndaem ndaej riengjret caemhcai q soengset. Daihgya doengzeiq le, dawz cazyanghgi okdaeuj, baij roengz naz bae ndaem, doeklaeng daihgya fwngz sug le, ndaem ndaej engqgya vaiq. Aeu gihgi ma ndaem beij dan aeu vunz ndaem ndwi engq fuengbienh! (caengz sat)

Fwen Haenh Vangz Vwnzsiu

□ Guj Gyah / 古佳

Denzyangz Vangz Vwnzsiu,
Sim ciuq dangj gangj vah,
Naekcingz vih daihgya,
Ra roen fouq mbouj dingz.

Vangz Vwnzsiu baenzsau,
Youh mbouj lau sinhoj,
Mbouj lumz aen sim co,
Itloh gaen dangj byaij.

Ngoenzde fwn doek naek,
Roeng deng saek liuxnauq,
Vwnzsiu ganj doxdauq,
Mbouj lau yiemj lau dai.

Doegsaw youq Baekging,
Ndawsim naemj mbanjranz,
Vih dieg gungz lwglan,
Haeujsim ganq ce ndok.

Vwnzsiu vunz mbouj youq,
Aen sim byouq liux caez,

Daj ngoenzneix doxbae,
Daej dai vunz mbouj dauq.

Vwnzsiu vunz bae laj,
Hoeng coh lah daengx biengz,
Oiq ngeix laux hix siengj,
Hoenz riengz de bae gyae.

Vwnzsiu cingsaenz ndei,
Caux leix hawj vunz lai,
Raeuz mehmbwk bouxsai,
Daihgya daeu j hagsib.

Vwnzsiu guh saeh gaenx,
Caensim vih bouxwnq,
Bouxhoj ndaej miz gwn,
Guek cij mwn cij hoengh.

Hag Vwnzsiu cingsaenz,
Gaen dangj byaij baenaj,
Bouxboux okrengz ma,
Vih guekgya fouqgiengz.



Aen dingz lengj ndwn youq ndaw ndoeng.

Cwng h Gingcunh ingj